

SIPA privela dvije osobe

HAPŠENJA U ZENICI I GRADIŠCI ZBOG UBISTVA U HOLANDIJI

Službenici SIPA jučer su na području Zenice i Gradiške uhapsili dvije osobe koje se dovode u vezu sa ubistvom u Holandiji, te pretresli objekte na dvije lokacije s ciljem pronalaska i oduzimanja predmeta koji mogu poslužiti kao dokaz u daljem postupku. Iz SIPA su, navodeći tek inicijale, istakli da su privedeni odranije poznati policijskim organima zbog dovođenja u vezu sa krivičnim djelima iz oblasti neovlaštene trgovine drogom na međunarodnom nivou, a neslužbeno se moglo čuti da su privedena braća Nihad (1976) i Ismar (1984) Kaljić.

- Aktivnosti su provedene po naredbama Suda BiH i Tužilaštva BiH, a po zamolnici za pružanje međunarodne pravne pomoći Holandije u predmetu međunarodnog organiziranog kriminala u vezi sa prometom opojnih droga, koje je za posljedicu imalo ubistvo jedne osobe na području Holandije, saopćili su iz



Osumnjičeni sprovedeni u prostorije SIPA

SIPA, te istakli da se uhapšeni dovode u vezu sa ubistvom na način da su nabavili oružje za izvršenje tog krivičnog djela i dostavili ga na mjesto izvršenja.

Prilikom rada na ovom predmetu os-

tvarena je saradnja i sa pripadnicima Obavještajno-sigurnosne agencije, a privedene osobe će, nakon krim-obrade u prostorijama SIPA, biti predate Tužilaštvu BiH na dalje postupanje. **L. S.**